

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KTD 0059020 24
Zenica; 21.10.2025. godine

OPĆINSKOM SUDU U ZAVIDOVIĆIMA
- Sudiji za prethodno saslušanje -
Z A V I D O V I Ć I

Na osnovu člana 45. stav 2. tačka i), člana 241. stav 1. i člana 242. stav 1. Zakona o krivičnom postupku F BiH, p o d i ž e m o

O P T U Ź N I C U

Protiv: M. M., ..., neosuđivan, ne vodi se drugi krivični postupak,

što je:

dana 12.06.2024. godine, oko 16:00 sati, na području grada Zavidovići, u mjestu ..., upravljajući motornim vozilom marke „...“ reg. oznaka ..., u kojem su se nalazili njegova supruga M. A. na mjestu suvozača i mldb. kći ... (rođena ... godine), krećući se regionalnim putem Zavidovići-Olovo, u pravcu Olova, nije prilagodio brzinu svoga vozila uslovima i stanju puta, svjestan da na taj način može ugroziti javni promet i tako dovesti u opasnost živote i tijela ostalih učesnika u prometu, ali je olako držao da do toga neće doći ili da će to moći spriječiti, pa postupajući suprotno odredbama člana 43. Zakona o osnovama bezbjednosti saobraćaja na putevima u Bosni i Hercegovini, vozeći tako, prolaskom zakrivljenim dijelom puta vozio brzinom od 63,44 km/h, te na taj način nije u cijelosti mogao savladati krivinu, koju bi mogao savladati da je vozio brzinom od oko 37,46 km/h, zbog čega je prilikom izlaska iz krivine radnjom kočenja došlo do potpune destabilizacije vozila, što je uslovalo zanošenje vozila po kolovozu i potpuni silazak sa kolovoza, nakon čega je vozilo završilo u odvodnom kanalu sa lijeve strane kolovoza, gledano u smjeru kretanja vozila, uslijed čega je mldb. ... zadobila tjelesne povrede u vidu: preloma nosnih kostiju, preloma sjedalne kosti karlice, preloma orbite i preloma gornjevilične sinusne šupljine, koje povrede pojedinačno i zbirno predstavljaju teške tjelesne povrede,

dakle, kao učesnik u prometu na cestama, ne pridržavajući se prometnih propisa ugrozio javni promet i time kod drugoga prouzrokovao tešku tjelesnu ozljedu,

čime je počinio krivično djelo Teška krivična djela protiv sigurnosti javnog prometa iz člana 336. stav 3. KZ FBiH, u vezi sa članom 332. stav 3. KZ F BiH.